



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Reiffenstuel, Anaklet

Monachii, 1699

II. In quibus consistat Immunitas localis, sive Ecclesiarum?

urn:nbn:de:hbz:466:1-40206

Instantia
contra hanc
solvitur.
(b) Tract.
ii. Dist. 4.

n. 14. Q
seqq.

9. Neque obstat allata instantia de Decimis : nam Deci-
mas etiam hodie esse Juris Divini , quatenus requiruntur ad ne-
cessariam Ministrorum Ecclesiae sustentationem, superius (b) jam
dictum est. Verum de hoc plura Canonista.

Q U A E S T I O II.

In quibus consistat Immunitas localis , sive
Ecclesiarum ?

Immunitas
localis con-
sistit in
duobus : &
quibus?

Judicia se-
cularia pro-
hibentur
sibi in Ec-
clesijs , vel
Cæmeterijs ,
sub nullita-
te actus.

Secus di-
cendum de
Judiciis Ec-
clesiasticis.

Solvitur in-
stantia.

CONCL. I. Immunitas localis (quam alij appellant *Im-
munitatem Ecclesiarum* , sub his etiam comprehendendo
Cæmeteria , & alia loca Religiosa) consistit in duobus :
videlicet , ut actus profani , & sæculares ab Ecclesijs arceantur :
deinde , ut malefactores ad Ecclesijs configuentes , ibidem in vita
& membris protegantur , neque violenter inde extrahi possint.
Et quidem de hoc posteriori fuius dicitur *Distinct. sequenti* ; quan-
tum verò ad prius attinet , sit

11. CONCL. II. In primis in Ecclesijs , earumque Cæmete-
rijs , prohibitum est , exercere Judicia sæcularia ; adeò quidem ,
ut totus Processus judicialis , & sententia super causa sæculari ibi-
dem lata , ipso jure irrita , & nullius roboris existat. Ita expresse
statuitur c. *Decet. §. fin. de Immunit. Eccles. in 6.* ac tenent Doctores
communiter. Et hoc quidem procedit non solum de causis cri-
minalibus , sed etiam de civilibus , quæ ad Forum sæculare per-
tinent ; uti patet ex textu. Maximè tamen Immunitati Ecclesi-
arum repugnat , atque absurdum est , & crudele , si *judicium sanguinis* ibi
exerceatur , ubi est *mutela refugia* constituta , ut dicitur c. *Cum Ecclesia. de
Immunit. Eccles.* Ubi proin præter nullitatem processus , etiam
sub poena excommunicationis prohibetur agitare causas sanguini-
nis in Ecclesia , vel Cæmitorio.

12. Dicitur notanter , *Judicia sæcularia*. Siquidem Ecclesiasti-
ca Judicia ibidem validè , & licet tractari possunt , arg. c. *Quaer-
te. de Appellat.* & docet *Glossa communiter recepta* cit. c. *Decet.*
¶. Sæcularium. de Immunit. Eccles. in 6.

13. Nec dicas . Judicia Ecclesiastica prohibentur exerce-
ti in die Festo , non minùs , ac sæcularia ; ergo etiam utraque pro-
hibentur exerceri in loco sacro. Resp. enim negando conse-
quentiam & paritatem : nam æquè , imò plus decet , ut Clerici
in *Festis* actibus non occupentur diebus Festiis , ac Lai-

ci.

At loquendo de loco, Ecclesia præsumere potuit, Judicia Ecclesiastica cum minori itrepitu, minorique tempore expedientia fore, quæ in sæcularia: immulque Judicem Ecclesiasticum maiorem curam adhibitum, ut omnia sine irreverentia loci sacri fiant. Fatendum tamen, magis decens esse, ut etiam Ecclesiastica Judicia non in Ecclesia, quæ domus est orationis, non iuriorum, sed in Palatio Episcopali, aut alio competenti loco fiant.

Quid magis
deceat?

14. CONCL. III. Insuper prohibitum est in Ecclesijs, eo-
rumque Cæmeterijs, facere contractus, vel negotiaciones, aut
nundinas instituere. Ita communis; & habetur cit. jo. Decet. de
Immunit. Eccles. in 6. ibi: Cessent in Ecclesijs, corumque Cæmeterijs nego-
tiaciones, ac fori cuiuscunq[ue] tumultus. Idque meritò statutum est ad
exemplum Christi Domini, qui ingressus in Templum Dei, ejicie-
bat omnes videntes, & ementes in templo, & mensas nummulariorum, &
cathedras videntium columbas everit. & dicit eis: Scriptum est, Domus
mea, domus orationis vocabitur: vos autem fecistis illam speluncam latra-
num, Matth. 21.

15. Licet autem contractus in Ecclesijs facere sit prohibi-
tum, idem nihilominus de facto inita valent: nam nullo jure ir-
ritantur, sicut cit. o. Cùm Ecclesia de Immunit. Eccles. casulantur Judi-
cia sæcularia. Si nulque isthæc Conititutio, cùm sit penalis,
non est extendenda ad contractus, & notat Glossa passim rece-
pta cit. o. Decet. p. processus.

16. Cæterum in Templis vendere candelas, si id fiat ad
Fidelium devotionem promovendam, non est illicitum. Azo-
rius part. 2 lib. 9. cap. 9. quest. 5. Angelus, & aliij. Nam prohibe-
tur quidem omnis negotiatio, vel contractus, qui fit lucri gratiâ,
aut Divina Officia perturbat, vel impedit: hoc tamen non acci-
dit in venditione candelarum causâ promovendæ devotionis Fi-
delium.

17. CONCL. IV. Ulterius in Ecclesijs prohibentur fieri Con-
cilia, Conciones, & publica Parlamenta (intellige, quando talia fiunt
de rebus mèrè temporalibus, & sæcularibus; nam Concilia, &
Conventus de rebus Ecclesiasticis, aut ad pietatem spectantibus,
rectè ibidem instituuntur.) Item confabulationes qualibet, & quecun-
que alia, qua Divinum possunt turbare Officium, aut oculos Divina Maje-
statis offendere. Ita his ipsis verbis habetur cit. o. Decet. eod. in e.

Bbbb 18. Dein

Comœdiae
profanae.

18. Deinde Comœdiae profanae, ac ludi Theatrales, penitus in Ecclesijs fieri prohibentur; non obstante quacunque consuetudine contraria, quæ potius corruptela dicenda est, o. Cùm decorum. de Vita & honest. Cleric. Quamvis pia & honesta spectacula ibidem exhiberi valeant. Pithing loc. cit. n. 14. post Sylvetrum, & alios.

Comestig-
nes, vel ac-
cubitus, &c.Musicæ im-
puræ, om-
nésq; actio-
nes secula-
res,Quid de Di-
spunctionai-
bus?Violentia
Ecclesijs
non est in-
ferenda.Pœna con-
traria facien-
tium.

19. Item non oportet in Basilicis, seu Ecclesijs agapem facere, & in-
tus manducare, vel accubitus facere, c. Non oportet dist. 42. Neque
intra Ecclesijs possunt suppellestilia reponi; nisi id necesse sit
propter hostiles incursus, aut alias necessitates, quibus tamen
cessantibus ad pristina loca reportari debent, arg. c. Oratorium. dist.

42. & tradit Azorius loc. cit. q. 3.

20. Tandem novissime Concilium Trid. Seff. 22. in Decre-
to de observandis & evitandis in celebratione Missæ, statuit, ut Ordinarij
locorum ab Ecclesijs musicas eas, ubi sive organo, sive cantu laeticium aut
impurum aliquid miscetur, item seculares omnes actiones, vana, atque ad eō
profana colloquia, deambulationes, strepitus, clamores arceant; ut Domus
Dei verè domus orationis esse videatur, ac dici possit.

21. Quæres, an licitum sit, Disputationes in Ecclesijs habe-
re? Resp. affirmativè: quia scientia est donum Dei, & res
sancta, arg. L. 1. ff. de Varijs & extraord. cognition. ibi: Et quidem res
sanctissima, civilis sapientia. Abbas c. Cùm Ecclesia. de Immunit. Eccles.
Azorius loc. cit. q. 4. Pithing n. 11. & alij.

22. CONCL. V. Ad Immunitatem Ecclesiistarum pertinet
etiam, ne quis eis violentiam inferat, infringendo earundem fo-
res, vel ipsas spoliando suis bonis, aut hujusmodi quidpiam atten-
tando. Patet hoc ex c. Omnes. & c. Quisquis. 17. q. 4. cum concor-
dantijs, ubi tales judicantur sacrilegi. Quinimò Ecclesiistarum
Dei violatores, sive cum effractione spoliantes Ecclesijs, ipso ju-
re excommunicati sunt, arg. c. Canonica. 11. q. 3. & c. Sicut. 17. q. 4.
& c. Conquesti. de Sent. Excom, juncta Glossâ ibidem, & Excommuni-
catos nuncietis.

Q U A E S T I O III.

De Immunitate reali, & personali.

Immunitas
realis, & per-
sonalis, in
quo confi-
stat?

23. **C**ONCL. I. Immunitas rerum, & personarum Ecclesiasticarum (quam alijs realem, & personalem appellant) generatim consistit in hoc, quod res, atque personæ Ecclesiastica, à jurisdictione secularium Magistratum, eorūmque